



Ассаламу г'ялайкум, дубурлантти!

ШИЛА Г'ЯМРУ

СЕЛЬСКАЯ ЖИЗНЬ



Дахадаевла районна жамиг'ятла - политикала газета

№ 7 (8602) 2024-ибил дус.

Февральла 16.

Жумяг'1.

Баг'я 12 к'уруш 32 кепек

Районна администрациялизиб

Выбортачи х'ядурбик'ули

Г'ялабван дураберк'ибси Дахадаевла районна аппаратла совещаниеличиб РФ-ла Президентла выбортачи мер-муса х'ядурдирнила мяг'ничебси мас'сала х'ербариб. Ил балбуцлизир бут'акьяндеш дариб ОМВД-ла вакилтани. Илдани мерличирти х'укуматла органтачил дарх избирательтала участокунни х'ядурдирнила деклар-декларти аги-к'яйда пикридариб.

Имц'али пикри б'ях'ичианиб выборти дурадерк'лес хасдарибти мер-муса чедетаах'или ахтардидирниличи, хут'ла мас'сала ирзниличи, пандусуни, компьютерти ва царх'илти х'яжатти г'яг'ниах'яла х'ядурдирниличи.

Совещаниеличив докладчил г'яйх'ун районна бек'ла заместитель Мях'яммад Сулайбанов. Ил чедетаах'или баянти г'яладих'иб г'ямри дедлугуси барх'и г'ярил сек'лал унк'ли диах'ес баг'андан ишх'елла манзиллизиб бируси х'янчиличила, к'инайс дарестачила.



Илк'яйдали г'яй детаур выборти дурадурк'уси барх'и хут'личил дархдасунти далагардешуни х'едиах'ес баг'андан се барес х'яжатлил. Пайдаладарес вираир илг'уна аглизир хут'личил г'еббурцинила г'урх'ейс х'ядурдарибти далилтира. Докладчикличи лех'изурли г'ерг'и, Мях'яммад Г'ябдулкади-ровли баянбариб арадшлизиб нук'санбикибтас г'ямри дедах'ести имканти алк'ах'ниличи хасси пикри б'ях'ичианеэ ва ил сек'лайчи чебетаибси х'ядурдеш барес х'яжатли би'ни.

«Пандусуни ва царх'илти г'яг'ниах'ялуми унк'ли дузулил ахтардидарес х'яжатбиркур. Илк'яйдали г'ямри дедес баг'андан лебилра избирательтас к'яянбух'есил селра би'еси х'ебирар», — буриб М. Г'ябдулкади-ровли.

Балбуцличи г'яладих'ибти совещаниела бут'акьянчибани отчетуни ва предложениеби г'ердуциб. Ил сек'лай чебиах'ули саби выбортачир г'ямри дедлугнила барк'уди мяг'ничебси би'ни ва илбаг'андан г'ях'иси х'ядурдеш баресра х'яжатси би'ни. Лерилра далдуцунни д'ях'ичианибти сари г'ямри дедлугнила бетуц лебтасалра г'ячих'еси ва умутчебси биах'ниличи. Выбортачир бут'акьяндеш дирути лебтасалра цаг'унти аги-к'яйдара алк'ах'ути сари.

М. Г'ях'мадова.

Халк'яла г'ямрула ва яшавла шурт'ри унк'диях'ес, г'ярил адамла челукути г'унчидирках'ес х'яжатси саби к'улулк'яла х'янчизартани. Амма рушбатчидешла ва так'сирчидешла барк'удлумира х'едирах'ес илди к'яйг'илизи биркес г'яг'иниси саби. Ил мас'салаличи белгиси пикри б'ях'ичиули саби Дахадаевла районнизибра.

Х'ера, г'ялабван районна администрациялизиб районна бек'ла заместитель Мях'яммад К'ядиевли бек'деш дирнила удид рушбатчидешличи к'яршидеш дирнила комиссияла заседание бетерхур.

Заседаниеличир бут'акьяндеш дариб комиссияла члентани, районна учреждениебалара организациябалара руководител'тани. Балбуцла башрилизиб муниципалитетлизибси рушбатчидешличи к'яршидеш дирнила шайчибси бетуцла бек'1 специалистла арб'як'унси дуслизиб барибси х'янчила отчетличи цалабикибти лех'ибизур ва ишдуслизир дарестачила план тасдик'бариб.

Рушбатчидешличи к'яршидеш дирнила шайчибси бетуцла бек'1 специалист Рабазан Рабадановли сунела отчетлизиб рушбатчидешла анц'бук'уни х'едиах'ес баг'андан дурадурк'уси х'янчиличила, ил шайчир дирутачила к'имат лугниличила ва г'ур илдиг'унти далагардешуни бек'лиил х'едирах'ести барк'удлуми дурадурк'иниличила баянти г'яладих'иб.

Илини чебетаах'или буриб, рушбатчидешлизи ах'ибти ва так'сирчидешла анц'бук'уначил барх'басунти к'улулк'яла х'янчизарти жавабличи бит'ик'иниличила. Илини илк'яйдали баг'ах'ур сагадан комиссияла членти чеббирк'иниличилара.

«Халаси пикри б'ях'ичиули саби муниципалитетлизиб бузути к'улулк'яла х'янчизартас ихтиюртачил

Рушбатчидешличи к'яршили



дархдасунти баг'удлуми лугнила шайчиб, рушбатчидешла барк'удлумачи к'яршидеш дирнила бетуцлизиб дурадурк'уси х'янчиличила, сег'унти барк'удлуми дурадурк'ес к'ядаг'абирусил бурути далилгачила», — баг'ах'ур Рабазан Рабадановли. Заседаниела итогуни х'ясибли, комиссияла члентани Дахадаевла районна мер-мусаличир закон бул'нила барк'удлуми х'едирах'ниличи ва рушбатчидешличи к'яршидеш дирниличи д'ях'ичианибти х'укумрти к'абулдариб. Илк'яйдали арб'як'унси дуслизир диах'убти хат'лаби тикрарх'едиеэли ва 2024 ибил дуслизир рушбатчидешличи к'яршидеш дирнила шайчир Комиссияла члентани дарестачила бетуцунни х'ердариб.

Илала дурабадлира, 2023 ибил дуслизир декларацияла кампания бетурх'х'ели дарибтачила итогунира х'ердарибтири. Ил шайчибси мас'сала 2024 ибил дуслизиб х'ербирниличилара г'яй детаур.

М. Г'ях'мадова.

Информационный центр.



Баркалла багъахъур

СВО-лизир бутлакъяндеш дирути бургъантас гуманитарный кумек глеббаахъни багъандан «Народный фронт» ибси бетуцлис уркли-урклилабдиси



Магомедсалам Абдулганилов
замначальника штаба по безопасности
военной службы 136-й мотострелковой бригады

баркалла балахъули сай Буйнакъск шагъарла 63354 ибил дявила частъла, 136 ибил бригадала штаблa начальникла заместитель, гвардияла капитан,

Дахадаевла районна Зубанчила шилизивадси Мяхъяммадсалам Гъядулгъаниловли.

Мяхъяммадсаламли ункъли балуси сай СВО-лизити бургъантас се хъжатбиркулил, илбагъандан командованиела ва сунела шайзибадли баркалла багъахъурли сай илдас кумек глеббаахъни багъандан.

Ургъан Мяхъяммадсалам Гъядулгъаниловли Украинализир кадиркути дявила анцбукъуназир бегI гъаларти бурхъназирал бутлакъяндеш дирули сай. Россияла пачалихъла «Гъабзадеш багъандан», «Дявилизив декларухъни багъандан» ибти ахъти наградабачи лайикъикисби сай. Илди наградаби ил ВатIайс марси, урехиагарли ургъуси ва дявила майдайчир чедиахъути игитти баркъудлуми багъандан сари дедибти.

Дагъистан Республикала ахъти наградабачира лайикъикисби сай ил. Илис дедибти сари «Дагъиста халкъанала игит» зубари ва «Дагъиста хъя ва деза» ибси медаль. Илдани чебиахъули саби дубурлай вегIла улкала хъар-хъерагардеш далтахънилизис, даршудеш биахъес ва адамтала гъямру къулайдиахъес багъандан кабирхъуси пайличила.

Мяхъяммадсалам гъабзадешла ва патриотизмала гъяхъси гъибратли ветарури сай чеалкъуси наслулис. Ил гъарли-марси игит сай, сунени дурадуркути гъунарти ахъси къиматлици лайикълира сари. Илени сунела патриотла, ВатIайс мардешла мисалти чедиахъули сари бургъантас ва илди уркличеббирахъули саби.

Деза диаб нушала игитти бургъантас. ВатIан багъандан чула жан къурбандарибти гъяхъгъубзнира нушани даимлис хъумхъертехIе.

М. Гъяхъмадова. Информцентр.

«Гъабзадеш багъандан» медальличил шабагъатлавариб

Украинализир дявила анцбукъуни дехIдихъибхъейчирадли Дагъистайзибадти бургъантала игитти баркъудлумачила баянти бархъиличи-бархъи имцIадикIули сари. Гъайгъай, пахрубирули саби дубурлантани чула нартанани чедиахъути гъабзадешла баркъудлумачи. Чебяхъси ВатIа дургъабазир чула хала дудешунаниван илданира патриотизмала черяхъти къиликъуни дакъудирни дигеси саби.



Хъера, илдигъунтазивадли сай Дахадаевла районна Хъярбукла шилизивадси СягIидуллагъ Ибрагъимовра. Илис гъалабван СВО-лизити дявила къуллукъ таманбирули, игитдешла баркъудлуми дурадуркIни багъандан Россияла Федерацияла Президентла хъукмуличил «Гъабзадеш багъандан» ибси медаль бедили саби.

Улкалис къияндикисби замана СягIидуллагъ Ибрагъимов сай гъарли-марси ВатIан балтахъан сайлин чеахъиб. Сунела гъямрулис урехи алкъиниличи хъерхъеили, ил нушала дахъал миллатунар улкала хъархъерагардеш датахъес къайгъилизив сай.

Ил чебяхъси баркъудира саби. Нушани

СягIидуллагъ Ибрагъимов илгъуна наградаличил мубараквирехIе.

Илис ва нушала чебяхъси улкала лебилра бургъантас арадеш биаб ва илди чедибдешра сархили, чула гъамтачи хъулкIули хъули чарбухъаб.

Нушала ВатIаннис марти ва игитдешличил душмайчи къаршили бургъути солдатунас уркли-урклилабдиси баркалла багъахъес лайикъли саби. Илдака кабизалачебдешличил ва гъабзадешличил дунъяличиб даршудеш кавлуси саби. Дигеси саби бургъантала игитти баркъудлумас лайикъси къимат лугнира.

Ш. Мяхъяммадова.



Ремонтла хъянчи дурадеркIиб

Дубурла дебали жагати мер-мусаличиб саби Дахадаевла районна Къункъила ши мерлабиубси. Шагъарлизирван илар дуги-хъерила бухIнаб адамтала паргъатдеш булъути машинталара халкълара гIама-гъама агара. Хъеризэс ва бамсриихъес иличиб гъяхъси гIур се бирара? Илцад жагаси мерличиб хъербирути адамтала гъямрула ва яшавла шуртIри гъяхъти диэс хъяжатлигу. БегIла гъалабси яргализир шантала арадеш мяхъкамбирути тяхъяр-къяйда далдуцес хъяжатси саби. Ил бетуцлизити мягIичебси анцбукъли бетаур «Арадеш мяхъкамбирни» ибси миллатла проектла дазурбазиб шилизисби



Фельдшерско-акушерский пункт хъулчидан ремонтбарни.

Ил проектла кумекличил пикрила дайлаб бетаур цархIилти дубурла шимиван Къункъила шира. Илкъяйдали шилизити хъербирути адамтала гъямрула ва яшавла шуртIри гъяхъдухъахъес, медициналашалси кумек ункъли глеббиахъес имкантира алкъули сари.

Пачалихъли «Арадеш мяхъкамбирни» ибси проект бузесаъниличибли регионтазир медицинала шайчир сархибдешуни дихахъули сари викIалра хатIа бетхъерар. Къункъила шилизити ФАП хъулчидан ремонтбарни илгъуна бетуцлис бикърилира бетарули саби. Шилизити хъербирути адамтас ФАП ремонтбарни, гъайгъайра, дебали къадричебси ва багаласи баркъуди саби. Ил секIайчи къункъанти дебали разилира саби. Гъанна илдас медициналашалси ахъси качества кумек глеббиахъули саби. Иличибли дубурлантала гъямрула бетуц гъяхъцIада ункъбиънира якъинси саби.

Илгъуна далилли чебиахъули саби нушала улка, чинаб хъербирули биаллира, адамтала гъямрула ва яшавла шуртIри гъяхъдухъахъес къайгъилизис биъни.

А. Рашидова.

(БекІбихъуд—2023-ибил дусла 52-ибил номерлизиб)

ДугІахъила ГІахІгъубзнани
Щализибра яхІбурцу,
Дявила майдунтачир
Игитдеш чедиахъу.

Гергъиса замана ГІадам халкъла пикри дергълизибти бургъантаси саби имцІали бяхІчиуси. Бахъал дила шантис – дугІахъарланти СВО-лизир бутІакъандеш дирули сари. Сагаси дусличил бегІ гъалабси яргализиб илди мубаракбарес къасбарира. Амма къантІси замана духІнар илди багъадуртачила баянти ва илдала суратуну даргес гъамадли ахІенри. СенахІенну цархІилти дубурла шимазибадливан, ДугІахъарибадлара адапти деклар-декарти мер

-мусаличи гечбуубли саби ва чинав чи левал белгибарес къиянбулхъули саби. Илала дурабадлара, чила урши дергълизи арякъуналра бабули ахІенра къалли. Илкъайдали лебтачила баянти цаладяхъесра имканти агара.

Илгъуна агиличиб нуни ца секІал ГІахихъли бурес рирус, чи мубаракварес имканбаІалра, чидилла у гъанхІебушили калаллара ишаб халаси балагардеш чебиули ахІенра. ЧІанкІли нушала бургъанти ара-сагъли чула хъалибаргуначи чарбухъалли, ГІелар калунти гъарил секІал гъунчидикахъес бажардидиркехе.

Нушала «Замана» газетала руководствора лебилра хІанчизартира къайгъилизиб саби биубцад дахъал бургъантачила ГІахІти макъалаби бучІантаси даахъес. Иншааллагъ, илди чеди-

бдешличил чарбухъи, разидешла хабуртира нушани дахъІи агарли иштяхІличил кадирхъехІе. Сабурличил илгъуна анцІбукъличи хІерли дуэсун саби нушаб калунси.


Нуни газетала цаибил номерлизиб мубаракбарес бажардихІерикибти ва дила цақласлантис ГІахІша Залкиповала, Маннай ГІахІмадовала, Рукъият Къадиевала ва дила гъамтала кумекличил цаладяхъес имканбаІибти бургъантала суратунуна баянтира иш номерлизир гъаладирхъула. Илдас дила уркіла бегІлара дурхъати мубаракла дугъби дурула ва цалалра никалра изихІеурли, нушачи чарбухъи дигула. Ишди нартани ахІерси ВаІан багъандан бургъутала къяназибадти саби:



Къурбанна Къурбан




Къурбанна Мурад

Къадилла
МяхІяммадрасул


Ражабла Шамил





МухІяммадла Адам




Ражабла Ислам

МяхІяммадрасул
Камил

Мусала ГІяллай

МухІяммадсяГидла
ХІусайГІябдулвяхІидла
Нариман

ХІусенна Мухтар



МухІяммадла Руслан

Къурбанна Къурбан
ДугІахъарла шилизиб
БацІ мургъила ашрапи,
Улка мяхІкамбируси
ГІярмияла командир.

МухІяммадла Адам
ГІахІгъубзнала къамлизив
АкІубил къугъа къаплан,
ХІела юртлизиб уршиби
Булси дус хъуван берхъаб.

МухІяммадсяГидла
ХІусай
Хъишамахъила чедиб
БекІ мургъила къарчигъа,

ГІахІси гъабзала хъулив
АкІубил игит урши.

Къурбанна Мурад

Неш-дудешла янашав
Хамли халаваибил,
Хабардерхаб сунела
Сархути гъунартачил.

МухІяммадла Руслан

ДугІахъар-кІарахъала
Уржибдешла умутри,
Узидеш чІумадирул
КІел миллатла къалари.

Мусала ГІяллай
Багъадур дудешгъуна
Сайри хІурматла урши,
ХІу варкъибил абала
Пашманмабиаб уркіи.

ХІусенна Мухтар
СуресбукІла шила шулГиб
ЦІуб хІяли-арцла урунж,
ВихІяби ЧевяхІсини
Чинав хІерирадлара.

Ражабла Ислам
Чинарла шила дайлаб

Алкунил нурла зурхІяб,
ХІуни бегІти харибаркъ
Сархути гъунартачил.

ГІябдулвяхІидла
Нариман

Диркъала майдунтачир
Хамли къунздикІул чаргас,
Чарухъаби тухумти
Шадли гъунибаэсли.

Къадилла
МяхІяммадрасул
Къисматла бяхъянаув
КІантІихІекІибил гъабза,
Душмайчил гъазализив

Даим чедивиркаби.

МяхІяммадрасул
Камил

Хала бегІтала амру
Бихули ахъвиубил,
ДеркІаби хІуни ГІямру
ГъалавяхІцун вашули.

Ражабла Шамил
Даршуси манзиллизив
Гъайбатли хІериубил,
Къияндикибси манзил
Шандайчи шурухъунил.

ПатІимат Къурбанова



Даргала анкъила бутІакъянчибас юлдашунала мубаракунни

Даргала анкъи акІахъубси саби нешла мез гъаладяхІ ардукес илди мурхъли дяркъес ибси пикрили-чил. БусагІят кьукъя урегал дус биубли саби. Илди дусмала духІнар нушани гІяхІцад дарган мезлис ва литературалис хасдарибти гъунибагъниби дурадеркІира. Бахъал саби анкъилизиб пагъмучебти бутІакъянчиби, кагибти жагати дугъбачил назмурти лук Іути поэтуни, мугІяллимти, далайчиби ва гІядатла дарганти сабира мезличи дигили бицілибти. БархІиличиб бархІи имціабик Іули саби бутІакъянчиби, имціадикІули сари пагъмурти. Берхъаб нушала Даргала анкъи.



Къ. ГІялисултІанов, «Даргала анкъи» кьукъяла председатель.



Каримова Майсарат акІубси сари Дахадаевла районна Мирзидтала шилизир, 1978 - ибил дусла февральла І-личир.

Шила школализир 4-ибил класслизир ручІухІейчирад илис назмурти лукІес дигахъи ва 7—8-ибти классуназир ручІухІели илини «Замана» газетализи кадияхъяхъес сунени делкІунти назмурти дархъибтири.

РиштІахІейчирад назмурти лукІахъес диги адикъуртири илала дудешли. ИтхІели Майсаратла дудешлира назмурти лукІутири. Дири илала жагати назмурти.

Амма «Даргала анкъи» бикІуси группализи рархрикибхІели, бутІакъянчибани имціали назмурти лукІахъес гьиррарибсигъунара бетаур илис.



Майсарат рузис нунра
Дурис ца камти дугъби
Къалам бугах!ебк!алра
Мухчарлад дурасибти

Берх!ила ванадешли
Ванадиахъаб урк!и
Зубразиб ухул базли
Шаладиахъаб х!улби

Буг!яр дяг!ли ардухаб
Чархлизирти излумби
Дях!или к!ап!кадараб
Дуньяла шишимулти

Вавна бяхъибси анхъван
Х!улк!ули х!ериаби
Марка белкъун ванзаван
Г!ямрулира релкъаби

Х!унира къабулбара
Дила назикси назму
Х!у нушаб АЛЛАГЪ ли рат
Рузи нушаб Майсарат.

Анкъила шала берхІи,
Мирзитган нешла рурси
Танишдиубси бархІи
Ретаурри наб рузи.

Далай-делхъла устари
Авидлар ралрикибси,
Тухумтала къакъбяхъри
Кумекла някъ гъарзаси.

Батаб хІела уршбира
ХІела дуклумала гъуц,
Ратаб хІела рурсира
Цуб мургъила ашрапи.

МяхІяммадтагъир
Идрисов.



Каримова Майсаратлис

СирхІяла дубуртала,
БегІла жагаси вава.
ХІед саби назму дила,
Майсарат Маликова.

Мирзидтар хІу акІадра,
Дила шангъунари наб.
Ца нешла хІериадра,

Рузигъунари нушаб.
Яни акІуб риадра,
ХІеб сарри рузи нушаб.
Дунъя мерсли буадра,
ХІебулан нуша ургаб.

Шагъарлизир риадра,
Дубурлангъунари наб.
Набзи чи гъайкІалра,
Иш саби дила жаваб.

Дашаб гІямрула дусми,
Гъардилзули пикруми.
Чарх-бекІ мургъила лагъа,
АхъбикІаб хІела багъа.

ХІела далуйта зайли,
РяхІят дирахъидра чарх.
Булбултиван ручІули,
Калаби нушачил рарх.

СягІидуллагъ узи.
Уркухъла ши.



Майсаратлис

ГІяламлис далайрикІул
ЧатІа сирхІян абала,
Бахълис багалариул
Къугъал къакъба анкъила.

Гъайбатли далайрикІес
Калаби уркІи шадли,
Къяшми кункли рулхъахъес

Ратаби чарх арали.
Ишди дугъби хІед сари,
ХІу мубаракриули,
Саламти хІечи сари,
ГІяхІдешуни дулгули.

Балгун хъалибарглизиб
Биаб даим уржибдеш,
Шилизиб, шагъарлизиб

ХІурмат-хатирла ахъдеш.
Рузи агартас—рузи,
Рурси агартас — рурси,
УркІила къанилизи
Сарри хІу каратеси.

Хадижат
Дибгашинская.

АкІубси БархІиличил, Майсарат!

Анкъилизир ралгунил
Къушумлар ралрикибил,
Майсарат, гъайкар сарри
Чев Аллагъли раркъибил.

Калаби хІ мурталра
УркІи-хІяйзир разили,
ХІед ва хІу ригантала
ХІял-ГІабигІят даршули.

Анкъилизир даргала

Майсарат рузи дила
БархІиличил акІнила
ХІу мубаракриули
Саби дарган къушумли

Анкъилар рахъ ралгунси
Майсарат рузи хІури
Даршал дус хІерриэси
Нуша ургарра хІури!

ГІямрулизир цайналра

Сарри бегІла черикІла,
Даргантас хІу ригулри
Гъайкариван талихІла.

Мубарак хІед, Майсарат
АкІубси бархІиличил!,
Дарх дашаб гъарил бархІи
Бац-берхІи, рузи хІечил.

БяхІмуд Булатов.
Усишала ши.



ДецІли хІу маруцаби
ХІед дигути леррилла
Гъардилзули калаби
ГІямру диаб шалати
Арати ва тазати
Яшав биаб эркинси
Гъарзаси ва бизиси
Хадижат ГІяхІмадова,
МикІхІила ши.

Майсарат акІубси бархІилис

ХІу хъарахъибси хъайчи
Бухъаб нур дархси берхІи,
Рааби мурадличи
Рурхъесли тумазир хІи.

Гъар уркІила дакІибти
Детурхули рулхъаби,
Жагадешли раршили
Булбулта рулхІехъаби.

ХІулбазир хІиллимайти
Тавханир цаван ухаб,

Майсарат, арали рат
РикІулира ишбархІи
ХІу акІнилис, Майсарат
Пешкешдирулра дугъби:

Риаби хІу берхІили
БерхІиличи хІясратгас
Риаби бацла шала

Баркъудилизир хъярхъти
Някъбазиб къуват бираб.

Шаддешли ва шалали
ГІямрура дицІаб хІела,
Бахъличил ралрикибси
Мирзитган рузи дила.

ХІу дигахъуси
Мисей Рабаданова,
Чумлила ши.

ЦІябдешуни детІибтас.

Цалра бархІи мадиаб
Пашмандеш хІу алавра
ТалихІ биаб дурхІнала
Ухаб анкъилаб шала.

МяхІяммадханова
НасихІят.

Гяллаева Патимат аклубси бархиличил!

Гяллаева Патимат Бяхмудовна аклубси сари 1981-ибил дуслизир Дахадаева районна Къярбачимахъила шилизир гядатла дубурланна берхъибси хъалибарглизир.

1987 ибил дуслизир илини сунела белчлуди Сагаси Вихърила школализиб бехлбихъиб, гялти къиматуначил клел класс илар таманаши, ил шур-рулхъули сари Къярбачимахъила урга даражсала школализи, илаб белчлуди даимбариб ва шула къиматуначил школа таманаиб.



Ришталхейчирад зилантазир декларрулхъи белчлудиличи гъираличил. Школализи ручлули лерай райойзир ва республикализир детурхути лерилра сера олимпиадабазир бутлакъяндеши дири ва гъаларти мерани сархи. Литератураличил бархбас илала школализи ручлукъелил бирусир. Гъалана-чи дигъай луклули рири, гур биалли илала назмурти районна "Шила гямуру" газетализир дурадул-хъес дехлди хъиб.

Чедиб бурибси школа таманбарилли гъерги ил карулхъули сари Дербентла медицинала колледж-лизи. Хунтлена дипломличил училище таманбарилли ил сунела бузерила гъуни сари аклубси шили-зиб бехлбихъиб. 2007 дуслизиб ил шурратур Кубачила больницализи ренген-лаборантли. Чинар ру-заллира сунела санигъят дигуси, зягипсичи уркецичерси, чебетаахъили хъянчи бирусир ил Бак-нила ФАПла заведующияли шурратули сари, иларад Сутбукла ФАПла заведующияли. Бусягъят ил рузули сари Къярбачимахъила ФАПла заведующияли. Илала хъянчи районна администрацияли ва больницала главврачли чихъли къиматлабирули бирар.

Литературализирра ил бамсриагарли рузули сари. Илала назмурти "Шила гямуру" "Замана" газетабазир, "Гъалмагъдеши", "Лачин" журналитазир дурадулхъули сари. Гялхъад далайчибани ила-ла назмурти хъисибли далуйти дучлули саби. Нешла мез ахъдарес ва гъаладяхл дукес бузуси "Даргала анкъи" биклуси къукъялизирра жисгарла бутлакъяндеши диру.

Гяллаева Патиматлис

Малхъямдеш дуртлул дуги
Аклубсири хлу, Патли,
Ургерли илцад хлехъдеш
Биес бирусив гъатли ?

Гъабзадеш дуртлул дуги
Раркъибси рургуд нешли,
Бархъси саб гямурула ги
Бирхлебири чумали.

Шурмачиб чалакаван
Хейри дуклума датли,
Ирцхерци пяхлулаван
Назмула тугъ гъайбатли.

Диги хейри шантачи
Ахерти уршбачиван,
Дуцл дирхейри илдачи
Ца нешла узбачиван.

Ишбархли хлу акнила
Нуни байрам бирулра,
Килизантиван дила
Чумали клапруцулри

*** **

Пагъмурти дуртлукъели
Бегл гъалара ралрикибси,
Урки бархъси, хля
хъярхъси
Пергерла сирхян рурси.

Ишбархли хлед хлебелкес
Назму чараагарси,
Гъар гягъиниси мерличиб
Кумекла някъ гъалакси.

Ишбархли далай белчес
Гъарли марли лайкъси,
Дубур шабагъатлис гес
Урки гъуцбухъухъунси.

Патимат, гямурула дуцл
Уршба шалабирули,
Калаби талихл буртес
Тухумти бахъбиклули.

Хлед дигути булхъули
Хлу ахерти бучлули,
Иш дунъя лебниличи
Гямуру лерай рулгули

Мисей Рабаданова.
Чумлила ши

Анкъилабти узби-рузбас аклубси бархила мубарак

Ассаламу гялайкум
Анкъиларти дарганти,
Уркила ва гямурула
Даим гъав ахъбиранти.

Мубаракдирулрая
Дарх, ишбархли аклубти,
Хябалра марти дарган
Дунъя жагабарибти.

Наби узи, луклулра
Хябал дев хлед багъишла,
Камайхъаби, узи хлу
Усес ахли бурушла.

Бахъ жагали гъайбиру
Цуб машина калина,
Хечил гъалмагъвикайла
Гямуру дирар малина.

Хлугъунти урки гъаргти
Хлебургар гур даргазиб,
Хелаван разити дяхл
Агара анкъилизир.

Мубаракриулри хлу
Аклубси бархиличил,
Гъардиклаб хлечи талихл

Сирхяла дубурличир
Сихру дархси гулвава,
Хела зилан рурсбазир
Черрикла жанай вава.

Дагърила гевдхъилизиб
Гякълу дебшлабарибси,
Хела пасихл дугъбачи
Рирусра даим карцли.

Шилизир гъабзагъуна
Унраличир бацгъуна,
Хлечи дугъабизуртас

Хлура хъумхертурлири
Халал рузи Ирайдат,
Анкъилабти биклар хлед
Хела мургъила жан дат.

Нуша ургар ралгунси
Шягир—къалам бугаси,
Мабишаб, Патимат хлед
Берхли закиб ухуси.

Узира клел рузира
Мубарак хлушаб сари,
Анкъилабти хлушачил
Гъар мурталра барх саби.

Абулхъул берхиличил.

Луклули назмуртани
Дагъиснтан ахъбуцаби,
Шягиртала ургар хлу
Зубрачи ахъруцаби.

Дила деза хлед сари
Патимат Гяллаева,
Саррину дубуртазир
Байрахъ ахъси хяяла.

Бяхмуд Булатов.
Усисала ши.

Сабабла гъайкаргъуна.

Нушли рурси раркъалли
Раркъабгу ил хлугъуна,
Дудешлисра, узбасра
Савгъатли ретаэсли.

Лигматла гиниз сарри
Хлу, хела клелра нартлис,
Челябкъалала зубари
Ухаб чула хлулбазиб.

Къистаман
Къурбанова.

Гяллаева Патиматлис

Шарабла гинзурбазии,
Гъундури делкун вава.
Марикаби децлизи,
Патимат Гяллаева.

Сирхяла дубуртази,
Гялх хабар тинтбарадии.
Шила шанта уркибазии,

Нурла чирагъ алкадии.

Дяхли дубуртиван,
Талихли клапруцабии.
Дубурла чалакаван,
Ахъанайти дуцабии.

Бугал къаламла шягир,

Тухтур кункти някъбала.
Вавнала халализир,
Бегл жагати клапрала.

Харили халабиклаб,
Нартгъунти клелра урши.
Машгъурбараб, ахъбараб,
Къярбачимахъила ши.

Сягидулла узи.

Къабул дарая дилра
Мубарак хябал тугъла
Ахъбурцулра пигъала
Чархаралис хлушала

Калабая аралли
Излума хледагъурли
Шишимала я анцкъии

Хабуртазир дикъули
Кулпетли шаддирули
Тухумли гледдурцули
Даргала анкъилизид
Ахъси къимат кайсули

Хлушаб дила Мубарак

Савлила берхли гъунти
Иш дунъяра бицлили
Имцлара кадухъести

Анкъила рузи
Майсаратла
Каримова

Рузи Патя анкъила.

Дурхлира батаб хела
Илдас хлура ратаби,
Чарх арати разити
Дахъал дусми калаби.

Хадижат.

Мубарак

Ахъти дубуртазиб, члакни думхлухлиб
Алклутигу рурсби гъубзначил цугти
Дубурла пурс къянци дуки дашуйхли
Ишбархлила мегъла урчни дикути.

Дукайуб клел лачин нурван бихлуси.
Гъаркъа хянчизарла байрахъра катли,
Гъабзалисун хлурмат-хатир сархуси.
Саригу иш марли къярбукъан Патли.

Патимат
Шалаеси.

Гядатуни гъандиркахъули Кубачиб хлебла хинкI

Адамтала гIямурузиб бетаруси гъарил анцибукъла халаси мягIна лебниличи мурталра рирхусира. Дила гIямурула бегIлара жагати дусми Кубачир деркIира, илди дусмани дила пикрумачи ва рухIличи халаси асарра бариб. Россиялизиб Санкт-Петербурглигъуна мер бурцуси саби, Кавказлизиб Кубачила шили. Кубачи, гъарли-марли, нушала культурала тах шагъар саби или гъанбиркули бирар наб.

Кубачилантани дузахъути жагати гIядатуназибад ца, «Хлебла хинкIла» гIядатличила хIушази бурес илдирибарилра. ГIярбукIла мезли илди «Абла ккуц» бикIули бирар.

Кубачир ну хIеррирути, арбьякунси даршдусла 75-85-ибти дусмазиб, дубурлантала яшав гIяхIцадла гъарзасири, лерилрарасера хъалибаргунани гIебшнелизиб белгъи хала хIайван, яра кигъми, диъла бяхIяхъуни дарили дерахъубли, яниличи хIядурдеш бирусери. Янилизиб зярхIси диъ камли букусери, хурег берубси диъличил бирусери.

Хлеблизиб мартла 20-30-ибти бурхIназиб бархIи-дугила бухъяндеш цугдикхIели, дяхIи бацIили, гъанналис шинишхIебиубси ванзализирад дурадухъунти



хъанца кIиликI вавни, ванаси дягIлуур кар-каръили руржухIели, гIярбукIанти «Хлебла хинкI» барес авлахъличи шадиб дурабулхъан. «Хлебла хинкIра», янилизиб хIеберки калунси, баягъи берахъубси диъ абушили бирусери саби.

Шадибгъуни Кубачила шиличи бяхIчиси Хъайдеш дубурла гIелабси, муралис удуси Бегъила ургубализиб бирули бирар. Илаб, дахъ

бизити шарабли парчбикIуси, Кук шинна къуллара лебси саби.

ХинкI барес гIярбукIанти башутири, нуни гъандушибти бурхIназиб, аргъ-бархIи даршибси манзиллизиб, имцIаливан хамис бархIи. Кубачиб хамис бархIи, хIянчилизибад акъуси, шилизиб базар бирусери бархIи саби.

Авлахъличиб хинкI барес дурабулхъан хала дудеш ва хала неш, чула хъабиубти уршби-рурсбачил, илдала баркъибтачил. Яра унруби, чула хъалибаргуначил цалабиркур. Къушум гъарзбарили, бахъал тумти хинкIличи цалабиркулира бирар. ГIярбукIанти хинкI барес башар чула уркъила жи хIясибли, багълабарес хъулбухъунхIели.

Дарх кайсу халаси шанг, чайник, яра урца галичил шина ружери башахъуси халаси самовар, берубси диъ, итан жерши, хиви, хинкIас бетIу, шин хес канистрти. ИмцIаливан хинкIлис дирути харжани хала дудешли ва хала нешли чучи чейсули бирар. Авлахъличиб хинкI хIядурбиру жагъилтани.

Гъала хлебла ванати бурхIназир, гъарахълавад хIерикIухIели, Бегъила халаси ургубализир, хъунул адамтала бургачирти цуба кIузрани, ва абикъурси цализирад дурадухъути гавли гIячихъли чедиа-

би, дяхIяхъес сагали ахIенти чIянкIби, ванати дабза кIунби дарх кайсутири. ЦIа абикъес ужагъ буркъес кIатIа, хурег кабирхъухIели бяхIяхъес клиентка, гъариллис сукура, чайлис стакан,



алтIанаг, къулса дарх кайсути сари.

ГIярбукIанти мурталра бузери дигути, някъби акъули хIебуути халкъ саби. Хъунул адамтани, рурсбани демхес динди, бирбес кIаз дарх кайсули бирар.

ХинкI балкъарахъути хIянчи мурул адамтани чучи чейсули бирар. Ужагъ укъу, урцул дурчу ва кадери цIа абилкъа, къуллализирад шин лерху, шанг чебилза, диъ белхъахъес батурли, самоварлизир яра чIяйниклизир ружербакIахъили чIай хIядурдиру. ГIярбукIантани бизити чIай даресра, тIягIям кайсули илди держесра бала.

Шадибгъунчиб дурхIни хIязли биркъур, кIиликI вавни дурчу, жагъилтани, яра халатани бяхъили чугур яра жикъи далуйти дучIа. Дила зилантани, лебилрара-сера гIярбукIла рурсбани жикъи бяхъес балули бири. Бяхъили жикъи, далайра хIябкубтира далдиркахъули балгунси къушумлизиб булхъули бири.

Хъунул адамтани шадибгъунчибра чула бузери гIашхIейу. ИтхIели цадехI динди демхурхIели Кубачила комбинатлизир авал къуруш дедлугутири. Устали ца динди урегал сIягIяти бемхес виар. ВецIал дусличибра биштIлати рурсбани бархIилис кIел-хIябал къуруш касес бирутири итхIели. Уршбала хIянчила сабухъ гъатIира халасири,

школализибад чарбухъи гIергъи, илди комбинатлизиб дудешуначил барх, цIуба арцла устниван бузутири. Илкъяйда бузути адамтас шадибгъундурира чараагати детарули сари. Узусилис багълабаресра гIягIниси саби.

Илдигъунти къушумтази кабили гIярбукIантани жагали замана буркIу, жагаси ихтилатбиру. Майдайчи бяхIяхъили клиентка, барх

къацIли букар, суратуни кайсу.

Илдигъунти шадибгъундури, хлебли дуклума дягIули гъакIдарили, дунья шинишбарибхIели, гIур дуцIрумла заманара дурадуркIули бирар.

ДуцIрумла лерилра хамис бурхIназиб, аргъ баршибси биалли, хIерила гIергъи, шила жагъилтала халаси къушумли Бегъила ургуба жагабиру. Илаб бахъал цалабикибтала ургаб уршбира рурсбира тянишбирар, гIур бегIтала, халатала кумекличил гелешмешуни бетарар.

Даргала далайлизиб, азирлизир цалара дигай гъархIедилзан или, бучIули бирар. Кубачила жагъилти, имцIаливан, уркъила дигиличил хъайчикабирули бирар. Бахъалгъунти уршбани гIярбукIла рурсбицун чеббиркIули бирар. Илдала уржибти хъалибаргунира детарар, хъали-цIа дуунти хъалибаргунни, рахлира, къаршихIедиркур.

Янила гъанкIлизибад чебаргъибси ванзала къуват чархлизи хъурабарили, умуси гъава гыгъбарили, берхIила нурли ванабарили, цаличил цали къацIра дигира дугIили шадиб бьякунти бархIехъ хъули чарбирар. Гъайгъайра илдала ургар диги-ванадеш имцIадирар, шиалавси гIабибIятиличи, ВагIайчи диги уркъIази хъурадирар.

Муъминат Хаттаева

Арбьякунси дуслизиб сунела бузери даимбарибси Кубачила художественный комбинатли мургъи-арцла ваяхI дирес бехIбихъиб.



БегI гъалабси яргализир кабизахъурси къадарлизир 53-дехI урцIри хIядурдаресли бариб. Ил баркъуди хасбарибсири комбинат акIахъубхIейчирадли 100 дус диркнила хIурматлис. Наслуличибадди наслуличи биахъули, гIярбукIантани илкъяйдали даршдуслихъелизиб Кубачила мургъи-арцла ваяхI дирантала устадеш гъаладяхI дашахънила тарих саби ил. Ил продукция асес виар улкала халатигъунти вачарла маркетингIесуназиб.

ЦIуб арцIлизирадди художественный ваяхI дирусери VIII ибил даршдуслихъеличибадди машгъур-

Кабизахъурси къадарлизир урцIри хIядурдариб

си жIяхIелла устадешла бетуцла хъулчиличиб 100 дус гъалаб Кубачила художественный комбинат акIахъубси саби. Кубачила устнани дирути ваяхI нушала улкализирицун ахIи, гIяхIцад дурала улкназира машгъурти сари. СССР-ла замана улкализибра ахъси къиматличи лайикъбикисси халкъла някъла устадешла шайчиб ахъси даражаличи бикибси предприятие сабри ил. Илаб 500 адам бузутири. ХIейгеси биалра, 2020 ибил дуслизиб кутурбиубли саби или комбинатла бузери гIашаибсири. Республика бекI Сергей Меликовли ил секIайчи пикри бяхIчаи-

иб ва предприятие бузесаахъес хъарбариб.

Дагъистан Республика бекIла хъарбаркъ хIясибли, Дагъиста Минтуризмали республика гъалабяхI башахънила Корпорацияличил барх комбинатла чебла чебихънила баркъуди дураберкIиб ва 2023 ибил дусла июнничиб кутурбиънила бетуц гъунчибикахъибсири.

Илкъяйдали арбьякунси дусла октябрьличиб комбинатли сунела бузери бехIбихъибсири.

Информцентр.

Прием заявок на конкурс «Ты в игре» продлен до 26 февраля

Прием заявок для участия в четвертом сезоне Всероссийского конкурса спортивных проектов «Ты в игре» продлен на две недели – до 26 февраля 2024 года включительно. «Ты в игре» помогает находить и поддерживать яркие спортивные инициативы, которые делают спорт нормой жизни для россиян. Благодаря участию в конкурсе авторы-энтузиасты могут заявить о себе на всю страну, найти поддержку у партнеров и спонсоров, повысить собственные компетенции и улучшить бизнес-процессы внутри проектов.

Конкурс проводится АНО «Национальные приоритеты» при поддержке Министерства спорта Российской Федерации благодаря федеральному проекту «Спорт — норма жизни» национального проекта «Демография». Подробная информация о четвертом сезоне «Ты в игре» публикуется на официальном сайте конкурса tyvigre.rf

В этом сезоне организаторы «Ты в игре» запустили подготовительную программу для авторов проектов, желающих подать заявку на участие в конкурсе. Серия обучающих семинаров помогает большому количеству участников презентовать свой проект перед экспертным жюри и заполнить заявку.

Прием заявок продлится до 23.59 26 февраля. После оценки всех поступивших заявок экспертное жюри конкурса отберет 250 полуфиналистов, которые будут объявлены 12 марта. Они получают доступ к образовательному акселератору, который поможет им прокачать навыки в спортивном менеджменте и усилить свои компетенции. Для 25 проектов, прошедших в финал, предусмотрена образовательная программа по оформлению презентаций и публичным выступлениям.

Участники четвертого сезона Всероссийского конкурса спортивных проектов «Ты в игре» борются за победу в пяти основных и трех специальных номинациях. Победители в каждой из основных номинаций конкурса получают 300 000 рублей на развитие своих проектов, а лучший проект сезона – гран-при размером 1 000 000 рублей.

Условия конкурса

В конкурсе могут принять участие все желающие граждане Российской Федерации, достигшие 18 лет и постоянно проживающие на территории РФ, российские юридические лица и индивидуальные предприниматели, реализующие спортивные проекты, в том числе семейные с участием детей до 18 лет.

На конкурс могут быть представлены проекты, которые функционируют в настоящее время и могут быть реализованы как в офлайн, так и онлайн форматах. В проект должны быть вовлечены не менее пяти человек, а у участника должно быть желание и план по дальнейшему масштабированию проекта. Чтобы подать заявку, необходимо заполнить форму на сайте: tyvigre.rf.

Этапы конкурса

- Прием заявок: 21 ноября 2023 года – 26 февраля 2024 года
- Объявление полуфиналистов: 12 марта 2024 года
- Народное голосование: 12 марта – 15 апреля 2024 года
- Образовательный акселератор для полуфиналистов: 13 марта – 7 апреля 2024 года
- Определение и объявление финалистов: 28 марта – 12 апреля 2024 года
- Образовательный акселератор для финалистов: 15 – 21 апреля 2024 года
- Защита проектов финалистов: 22 – 26 апреля 2024 года
- Награждение победителей: 30 апреля 2024 года

Экспертный совет и оценка проектов

Оценивать проекты полуфиналистов и финалистов будут члены экспертного совета конкурса — руководители спортивной индустрии, российские спортсмены и общественные деятели. В их числе: министр спорта Российской Федерации Олег Матыцин; заместитель председателя правительства

Калининградской области, министр спорта Калининградской области, пятикратная олимпийская чемпионка по синхронному плаванию, посол федерального проекта «Спорт — норма жизни» Наталья Ищенко; губернатор Курской области Роман Старовойт; генеральный секретарь Олимпийского комитета России Родион Плигунин; генеральный секретарь Паралимпийского комитета России Андрей Строкин; президент Федерации хоккея России, олимпийский чемпион, чемпион мира и Европы, лучший хоккеист XX века по версии ИИХФ Владислав Третьяк; олимпийская чемпионка по конькобежному спорту, посол ГТО Светлана Журова; олимпийский чемпион по лыжным гонкам, посол федерального проекта «Спорт — норма жизни» Александр Легков; спортивный предприниматель, член наблюдательного совета «Игры Будущего 2024», победитель этапа Кубка Мира по ультратриатлону Swisultra 2260 км Владимир Волошин; вице-президент федерации триатлона России, основатель подразделения «Триатлон» сети клубов WORLD CLASS, официальный амбассадор IRONMAN RUSSIA Виктория Шубина; генеральный директор Московского Марафона и Бегового Сообщества Дмитрий Тарасов; начальник главного штаба ВВПОД «Юнармия», олимпийский чемпион, чемпион мира и Европы Никита Нагорный; председатель Ассоциации корпоративного спорта России Владислав Клещкин; член президиума Федерации спортивного туризма России Леонид Постовский; председатель Комитета по развитию цифровых технологий в спорте и ЗОЖ Фонда развития цифровой экономики Digital, директор АНО «Живу спортом», главный эксперт Института спортивного менеджмента и права ВШЭ Андрей Сельский; президент Федерации адаптивного хоккея, победительница первого сезона конкурса «Ты в игре» с проектом «Детская следж-хоккейная лига» Анастасия Барадачева; победитель второго сезона конкурса «Ты в игре» с проектом фестиваля детского дворового футбола «МЕТРОШКА» Дмитрий Борщев; победитель третьего сезона Всероссийского конкурса спортивных проектов «Ты в игре», создатель проекта «Лучший урок физкультуры» Елена Ветрова.

Основные номинации конкурса

1. «Точка старта» — проекты местного, муниципального, регионального уровня, деятельность которых охватывает до 500 участников.
2. «Масштаб» — проекты федерального уровня, реализуемые в масштабах страны или деятельность которых охватывает более 500 участников.
3. «Дети в спорте» — направления деятельности проектов: спортивная подготовка, создание инфраструктуры, образовательный процесс и организация специальных спортивных мероприятий для детей до 18 лет.
4. «Трансформация в спорте» — направления деятельности проектов: программное обеспечение, приложения, агрегаторы и другие цифровые решения для организации спортивной подготовки, анализа тренировочного процесса, продвижения спортивной культуры и вовлечения людей в активный образ жизни; инновационные изобретения и устройства для практического и массового применения в области спорта.
5. «Безграничные возможности» — проекты по формированию активного образа жизни, созданию доступной среды и инклюзивного просвещения в области спорта.

Номинации от партнеров конкурса

6. «Корпоративный спорт» — специальная номинация для проектов и программ по привлечению работников к физической культуре и спорту.
7. «Спортивный туризм» — специальная номинация для проектов в сфере спортивного туризма.
8. «Медиа» — специальная партнерская номинация для авторов, которые освещают спортивные события на собственных информационных ресурсах (подкасты, блоги, онлайн-издания, каналы, паблики с аудиторией от 1000 пользователей).

Объявления

Жители Дахадаевского района могут платить за газ, оставаясь дома

«Газпром межрегионгаз Махачкала» рекомендует использовать дистанционные формы услуг для оплаты за потребленный газ.

С помощью приложений для смартфонов «Мой Газ» и «Газ Онлайн» потребители газа могут не выходя из дома получить информацию по взаиморасчетам, передать показания индивидуального прибора учета газа (при наличии), а также произвести оплату за газ.

В качестве простого, удобного и надежного способа оплаты, внесения показаний приборов учета газа и контроля прохождения платежей на сайте компании <https://mkala-mrg.ru/> работает «Личный кабинет абонента» и также мобильные приложения «Мой газ» в PlayMarket или «Газ онлайн» в App Store, через которые возможно произвести онлайн-оплату по банковской карте.

«Личный кабинет абонента» отвечает главному требованию времени – максимальной простоте в использовании и экономии времени потребителя.

Что особенно важно оплатить газ через мобильные приложения можно без комиссии.

Для удобства абонентов в ООО «Газпром межрегионгаз Махачкала» работает многоканальная телефонная линия Контакт-центра 8-800-200-98-04 (звонок бесплатный).

Туристический комплекс "Кубачи"

Во второй половине июня мы открываем Туристический комплекс "Кубачи" с более чем 400 местами для гостей. Мы уже активно занимаемся проработкой маршрутов, которые покажут поистине уникальные и живописные места нашего района. Мы также ищем людей, которые хотели бы присоединиться к нашей команде в качестве гидов, водителей с личным транспортом, а также партнеров, готовых реализовывать свою продукцию в рамках нашего комплекса. Это отличная возможность для всего района развиваться в целом.

Если вы заинтересованы в сотрудничестве или хотите предложить свои идеи, пишите нам в WhatsApp по номеру: 89104107857.

Давайте вместе создадим незабываемые впечатления для наших гостей и привлечем внимание к красоте нашего удивительного региона!

Рады сообщить вам, что в реабилитационном центре Дахадаевского района функционирует логопедический кабинет.

Квалифицированный специалист принимает посетителей по будням после обеда.

Логопедический кабинет предназначен для оказания помощи детям и взрослым, столкнувшимся с проблемами в области речи и коммуникации.

Приглашаем всех заинтересованных обратиться к специалисту для получения профессиональной консультации и помощи в улучшении речевых навыков. Наш центр всегда открыт для вас!

С уважением, директор реабилитационного центра Дахадаевского района Салман Магомедов

Ишди бурхІназиб республикала багъудила Центрлизиб Республикала Беклі гъуни чебиахънила удиб Дагъиста ГІлмула ва багъудила шайчибси Совет дураберкІиб. Ила цалабиклири регионна муниципалите-



туназибадли бахъал экспертуни,

Дахадаевла районна делегациялизи кабурхулри муниципалитетла бекІ МяхІяммад ГІябдулкадиоров, багъудила управлениела начальник ГІябдулла ГІялиев багъудила управлениела методистуни ва педагогу-

ни. Балбуцла дазурбазир экскурсиябира дурадкеркІиб. Илди хасдарибтири районтала муниципалитетунала бургани ва шагъуртала округунала, илкъяйдали багъудила управлениела начальникунани школабала инфраструктураби пайдаладирнила ва багъудила бетуцлизир ГІяГІниахълуми далкъарахънила опыт ГІебисахънила мурадличил.

ГъаладяхІ ардякъунти багъудила учреждениебала гъабкъяси опыт ГІебисахънила мурадличил 20-личирра имцали экспозиция гъаладихъибтири блбуцличир.

Хасси пикри бяхІчиаэс лайикъли саби Уркухъла дахъал шалубар гимназияла англияла мезла учительница Сакинат ГІябдуллаевас «Дагъистан Республикала рурибси учитель» ибси у лугнила баркъудиличи.

Районнизиб багъуди гъалабяхІ башахънилизиди халаси пай кабибси ва дахъал дусмазиб ГІибратчебси хІянчи барибси мугІяллим лайикълира сари илгъуна шабагъатличил.

Дагъистан Республикала БекІла гъалабси ГІлмула ва багъудила Совет багъудила бетуцлизиб ГІяхІси ГІибратчебси опыт ГІебиснила мяГІичебси форумли бетаур.

Илдигъунти далдуцуну багъудлуми ахъдурцилиси ва педагогунала санигІятлати устадеш ахъдурцилиси кумекли детарули сари.

А. Рашидова.

Афганистайзирадли советский ГІяскурти урсадукибхІейчирадли – 35 дус

10 дус гъабзадешличил бургъули калун

Ишдуслизир Афганистайзирадли советский ГІяскуртала ГІергъисигъуна колоннади нушала улкала дазуличибси Амударья хІеркІличибси Термезла мякълабси гуми ахъили, ВатГІайзи чарбухъунхІейчирадли 35 дус диркули сари.

10 дусла духІнар Афганистайзир кадикибти дявила анцІбукъуназир Дагъистайзибадти хІябал азирличибра имцали бургъантани бутІакъяндеш дарибтири. Итди дусмазиб алхунти интернационалистунала уми дедиле сари шагъуртала къакъурбас, школабас, памятникунуни ва мемориалла уркъли ГІашдатурли сари. Нушала уркІбазирра багъадуртала гъабзадешла баркъудлуми даимлис кавлан.

Гъабзадешличил дявила хъарбаркъуни тамандирутири бургъантани. Ца шайчиб кахІелун цархІилти специалистунира. Илдибадди саби: учительти, тухтурти, агрономти, архитекторти, геологунуни, связистуни, журналистуни, юртани лушанти...

Афганистайзирадли нушала ГІяскурти урсадукибси бархІи нушани «афганцыбицун» ахІен гъанбиркахъути, цархІилти улкназир «дуцІарти точкабазир» бутІакъяндеш дарибтири хъумхІертехІе. Илдани нушала ахІерси ВатГІайс мардеш чедиахъутири ва игитти баркъудлуми дурадуркІутири.

ХІурматла бургъанти-интернационалистуни, хІушала гъалаб икрам барес лайикъли саби. Чичиб-дигара ункъли балуши саби хІушани даршудешла къимат. ИшхІелла манзиллизиб хІушазибадди бахъли бургъантала сагаси наслу руркъулрая, жагъилтас патриот бяркъ лугулрая. СВО-лизир бутІакъяндеш дирутира бархІи леб.

ХІушазибадди гъариллис чІумаси арадеш, хъалибаргла талихІ ва ГІямрулизир гъарбизуни дулгехІе. Алхунти багъадуртас даимти деза диаб.

Мубаракла дугъбачил, военный комиссар Умар Саидов.



О Б Ъ Я В Л Е Н И Е

Уважаемые депутаты!

20.02.2024 г., 11 часов состоится 34 заседание (сессия) восьмого созыва Собрания депутатов МО «Дахадаевский район» по адресу с. Уркарах в зале администрации МО «Дахадаевский район».

Убедительная просьба, вместе с депутатами Собрания депутатов МО «Дахадаевский район» Ваших поселений, принять участие.

Повестка дня:

1. Отчет Главы МО «Дахадаевский район» об итогах социально – экономического развития МО «Дахадаевский район» за 2023 год и задачах на 2024 год.

Докладчик – Глава МО «Дахадаевский район» М. А. Абдулкадиоров

2. О внесении изменений в решение Собрания депутатов МО «Дахадаевский район» о бюджете на 2024 год и на плановый период 2025 и 2026 годов.

Докладчик — начальник финансово-экономического отдела администрации МО «Дахадаевский район» Магомедов А. А.

3. Отчёт начальника отдела ОМВД России по Дахадаевскому району по итогам оперативно-служебной деятельности и состоянии преступности на территории района перед Собранием депутатов МО «Дахадаевский район» за 2023 год и задачах на 2024 г.

Докладчик — нач. ОМВД России по Дахадаевскому району майор полиции И. М-З. Рабаданов

4. Разное.

Председатель Собрания депутатов МО «Дахадаевский район»
Р. Омаров

ШИЛА ГІЯШРУ

СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: inf.otdel7@mail.ru

Тел: 8-964-002-43-06

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхІкамбирнила шайчиб хІеруди бузахъуси Федеральная служба ДР-лизибси Управлениелизиб белкІунси саби. ПИ № ТУ 5-0047

Газета дурабулхъуси саби жумяГІ бархІи.

Дусли 52-на дурабулхъан.

Индекс -- 63314

Печатьлизи къулбасбарес кабизахъурси замана -- 16.00.

Печатьлизи къулбасбарибси замана -- 16.00.

Редакциялизи дархъибти белкІанас рецензия лукІуси ахІен, я илди чула бегІтачи чардирути ахІен.

Газетализи кадирхъути материалтала автортала пикрумачил редакцияла пикри цугхІебикесра асубирар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабахъибси саби.

Адрес: 367018 МяхІячкъалала шагъар, Насрудиновла уличился къакъа, 61

Автортани чула материалтала хІекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, ГІ. ГІялиевла уличился къакъа, 9
ТИРАЖ –400 экз

БекІ редактор
Чапарова М. М.
Редактор
Курбанова П. О.